



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-11636-2/20
Sarajevo, 07.05.2020. godine

SKUPŠTINA KANTONA SARAJEVO
gosp. Mirza Čelik, predsjedavajući Skupštine

PREDMET: Amandmani Vlade Kantona Sarajevo na Prijedlog Zakona o ublažavanju negativnih ekonomskih posljedica i uštedama u Kantonu Sarajevo

U skladu sa članom 151. Poslovnika Skupštine Kantona Sarajevo („Službene novine Kantona Sarajevo broj: 41/12 - Drugi novi prečišćeni tekst, 15/13, 47/13, 47/15 i 48/16), Vlada Kantona Sarajevo na **22. vanrednoj** sjednici održanoj dana **07.05.2020.** godine, zauzela je stav i podnosi sljedeće amandmane na Prijedlog Zakona o ublažavanju negativnih ekonomskih posljedica i uštedama u Kantonu Sarajevo, i to:

AMANDMAN I

Član 1. mijenja se i glasi:

“Ovim Zakonom propisuju se uslovi i način pomoći privrednim subjektima pogođenim koronavirusom, ukidanje plaćanja administrativne takse, sudske takse za upise privrednog društva u sudski registar i plaćanje takse u stečajnom postupku, komunalne takse za istaknutu firmu kada privredno društvo ili fizičko lice koje obavlja samostalnu djelatnost prvi put pokreće privrednu ili uslužnu djelatnost, turističke takse, naknade za općekorisne funkcije šuma, naknade za rad predsjednika i članova organa upravljanja i drugih organa institucija Kantona Sarajevo (u daljem tekstu: Kanton), kantonalnih javnih preduzeća i javnih ustanova čiji je osnivač Kanton, period neplaćanja ovih prihoda, uštede u Budžetu Kantona Sarajevo (u daljem tekstu: Budžet), donošenje programa kratkoročnih i srednjoročnih mjera od značaja za ublažavanje negativnih ekonomskih posljedica na privredu u Kantonu izazvanih koronavirusom (COVID-19) (i usklađivanje programa Vlade Kantona Sarajevo (u daljnjem tekstu: Vlada).”

Obrazloženje

Na osnovu okvirnog seta kratkoročnih i srednjoročnih jera od značaja za ublažavanje negativnih posljedica na privredu u Kantonu Sarajevo izazvanih koronavirusom (COVID-19), koji se po odluci Vlade Kantona Sarajevo već primjenjuje za mjesec mart, predložena je izmjena člana 1.

AMANDMAN II

Iza člana 1. dodaje se novi član i to član 2. koji glasi:

*„Član 2.
(Sufinansiranje isplate minimalne plaće)*

(1) Vlada KS osigurat će finansiranje cijele ili dijela minimalne mjesečne neto plaće na nivou Federacije BiH za mjesec april i maj 2020. za djelatnosti kojima je naredbama štabova civilne zaštite zabranjen rad, odnosno rad onemogućen ili znatno otežan zbog posljedica uzrokovanih pandemijom koronavirusa.

(2) Vlada KS će na prijedlog Ministarstva privrede Kantona Sarajevo najkasnije u roku od 10 dana od dana stupanja na snagu ovog Zakona donijeti provedbeni akt iz stava (1) ovog člana Zakona. „

Obrazloženje

Na osnovu okvirnog seta kratkoročnih i srednjoročnih mjera od značaja za ublažavanje negativnih posljedica na privredu u Kantonu Sarajevo izazvanih koronavirusom (COVID-19), koji se po odluci Vlade Kantona Sarajevo već primjenjuje za mjesec mart, predložen je novi član.

AMANDMAN III

Iza novog člana 2. dodaje se novi član i to član 3. koji glasi:

*“Član 3.
(Kreditno-garantni fond)*

(1) Ovim Zakonom uspostavlja se Kreditno-garantni fond (u daljem tekstu: Fond) na osnovu kojeg će, u ime i za račun Kantona garancije izdavati Banka/e partneri.

(2) Inicijalna sredstva za osnivanje i funkcioniranje Fonda će se osigurati u Budžetu Kantona u skladu sa budžetskim mogućnostima iz izvora: budžetski prihodi, primici, donatorska sredstva.

(3) Vlada Kantona dužna je Skupštini Kantona dostavljati izvještaj o upravljanju Fondom zajedno sa izvještajem o izvršenju Budžeta.

(4) Vlada će na prijedlog Ministarstva finansija propisati načine finansiranja, održavanja i upravljanja Fondom, ograničenja i uslove izdavanja garancija, i druge pojedinosti od značaja za funkcionisanje Fonda.

(5) Banka partner ili više njih će biti odabrana javnim pozivom na osnovu kriterija koje utvrdi Vlada.”

Dosadašnji član 2. Prijedloga Zakona postaje član 4., te se svi ostali članovi do predloženog člana 13. pomjeraju za dva mjesta.

Obrazloženje

Na osnovu okvirnog seta kratkoročnih i srednjoročnih mjera od značaja za ublažavanje negativnih posljedica na privredu u Kantonu Sarajevo izazvanih koronavirusom (COVID-19), koji se po odluci Vlade Kantona Sarajevo već primjenjuje za mjesec mart, predložen je novi član.

AMANDMAN IV

Predloženi član 8. stav (1) mijenja se i glasi:

*„Član 10.
(Period neplaćanja)*

Takse, članarina i naknada iz člana 4., 5., 6., 7., i 8., ovog Zakona neće se plaćati u periodu od dana stupanja na snagu ovog zakona i 60 dana po prestanku nesreće uzrokovane pojavom koronavirusa (COVID-19) (u daljnjem tekstu: nesreća).”

Obrazloženje

S obzirom na izmjene prethodnih članova bilo je potrebno tehnički izmijeniti brojeve članova na koje se odnosi period neplaćanja.

AMANDMAN V

U dosadašnjem članu 10. , dodaje se novi stav i to stav (3) i koji glasi:

*„Član 12.
(Uštede u Budžetu)*

(3) Obavezuje se Vlada KS da sa reprezentativnim sindikatima nastavi socijalni dijalog sa ciljem pronalaženje rješenja za dodatnu podršku privrednim subjektima pogođenim negativnim posljedicama izazvanim epidemijom koronavirusa. „

Dosadašnji stavovi (3) i (4) ovog člana postaju (4) i (5).

Obrazloženje

Zbog nastavka socijalnog dijaloga sa sindikatima, a u cilju pronalaženja dodatne podrške privrednim subjektima Vlada preuzima obaveze u stavu (3) koji je dodan u članu 12.

AMANDAMAN VI

U „Dio četvrti-” prije riječi „završne” dodaju se riječi „prelazne i”.

AMANDAMAN VII

Iza dosadašnjeg člana 13. koji predloženim amandmanima postaje član 15. , dodaje se novi član 16. koji glasi:

“Član 16.

U cilju transparentnosti i uvida u prikupljena i raspoređena sredstva Vlada uspostaviti će Registar i objaviti ga na web stranici Vlade.”

Predloženi član 14. postaje član 17.

Obrazloženje

Zbog uvida u plan i program raspoređivanja sredstava i obavještanja javnosti o opravdanosti utroška sredstava dodaje se član koji govori o transparentnosti.

P R E M I J E R

Mario Nenadić

Dostaviti:

1. Predsjedavajući Skupštine Kantona Sarajevo,
2. Zamjenicima predsjedavajućeg Skupštine Kantona Sarajevo 3x,
3. Skupština Kantona Sarajevo,
4. Sekretar Skupštine Kantona Sarajevo,
5. Premijer Kantona Sarajevo,
6. Ministarstvo finansija,
7. Evidencija,
8. A r h i v a.



web: <http://vlada.ks.gov.ba>
e-mail: ssv@ssv.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1

